



Broj: 01/2-04-917-1/23
Breza, 24.05.2023. godine

Na osnovu člana 64. stav 1. tačka b), člana 70. st. 1, 3. i 6. Zakona o javnim nabavkama Bosne i Hercegovine („Sl. glasnik BiH“, broj: 39/14 i 59/22) i člana 90. Zakona o javnim nabavkama BiH, člana 6. Pravilnika o postupku direktnog sporazuma za nabavku roba, usluga i radova u jedinstvenom organu uprave Općine Breza („Sl. glasnik Općine Breza“, broj: 4/15 i 4/16) na Preporuku Službe za privredu, u postupku javne nabavke direktnog sporazuma za nabavku robe: „Nabavka tonera za potrebe Općine Breza“ a na osnovu Zahtjeva o pokretanju postupka javne nabavke (broj: 03/1-9-11-917/23 od 25.04.2023. godine) i člana 39. Statuta Općina Breza („Službeni glasnik Općine Breza“ broj: 7/21), Općinski načelnik, d o n o s i

O D L U K U **o izboru najpovoljnijeg ponuđača** **Direktni sporazum**

Član 1.

Prihvata se ponuda broj 12577/23 od 11.05.2023. godine i Ugovor za javnu nabavku robe: „Nabavka tonera za potrebe Općine Breza“ dodjeljuje se ponuđaču R&S d.o.o. Sarajevo za ponuđenu cijenu od 1.091,22 KM, bez PDV-a, odnosno 1.276,73 KM sa PDV-om.

Član 2.

Ugovorni organ neće zaključiti ugovor nego će se direktni sporazum smatrati zaključenim prilažanjem računa ili druge odgovarajuće dokumentacije.

Član 3.

Za izvršenje ove Odluke zadužuje se i ovlašćuje Služba za privredu i Služba za finansije, inspekcijske poslove i opću upravu, svako u okviru svoje nadležnosti.

Član 4

Ova Odluka stupa na snagu danom donošenja, objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

U skladu sa čl. 18 stav (3) Zakona o javnim nabavkama („Sl. glasnik BiH“, broj: 39/14 i 59/22) ugovorni organ ne donosi odluku ili rješenje o pokretanju postupka javne nabavke u pisanom obliku.

Javna nabavka je provedena putem direktnog sporazuma.

Procijenjena vrijednost javne nabavke usluga iznosi 2.564,10 KM, bez poreza na dodatnu vrijednost.

Postupak javne nabavke pokrenut je Zahtjevom za pokretanje postupka javne nabavke broj 03/1-9-11-917/23 od 28.03.2023. godine.

Prijedlog za započinjanje postupka javne nabavke zasnovan je na Planu javnih nabavki Općine Breza za 2023. godinu - robe pod rednim brojem 1, u skladu sa članom 17.stav (1) Zakona o javnim nabavkama BiH („Službeni glasnik BiH,“ broj 39/14 i 59/22).

Kriterij za dodjelu ugovora je „najniža cijena.“

Služba za finansije, inspekcijske poslove i opću upravu je izvršila prethodno ispitivanje tržišta i utvrdila da ponuđena cijena nije veća od odgovarajuće tržišne cijene, na osnovu čega je dana 25.04.2023. godine pokrenut Zahtjev za pokretanje postupka javne nabavke: „Nabavka tonera za potrebe Općine Breza,“ u skladu sa članom 14a. Zakona o javnim nabavkama, te uz isti priložila i dokumentaciju o ispitivanju tržišta.

Pismeni zahtjev upućen je ponuđačima „IMTEC“ d.o.o. Ilijaš i R&S d.o.o. Sarajevo, koji su u roku dostavili ponude:

R.B	Naziv / ime ponuđača	Datum prijema	Broj i datum ponude	Ukupna cijena bez PDV-a	PDV	Ukupna cijena sa popustom i PDV-om
1.	R&S d.o.o.Sarajevo	11.05.2023.	12577/23 od 11.05.2023.g.	1.091,22	185,51	1.276,73
2.	IMTEC d.o.o Sarajevo	12.05.2023.	00928/23-39 od 12.05.2023.g.	2.291,56	389,56	2.681,12

Služba za privredu je izvršila provjeru kvalifikacija ponuđača u predmetnom postupku nabavke robe: „Nabavka tonera za potrebe Općine Breza“ prema minimalnim uslovima za kvalifikaciju ponuđača i ocijenila ponude prema kriteriju za dodjelu Ugovora „najniža cijena“ utvrđenih u Zahtjevu za ponudu.

Ponuda ponuđača IMTEC d.o.o. Sarajevo je označena kao nepravilna u predmetnom postupku iz sljedećeg razloga: u Obrascu za cijenu, Aneks 2 Zahtjeva za ponudu Ponuđač nije popunio jediničnu cijenu bez PDV-a i Ukupnu cijenu bez PDV-a, za toner redni broj 5.

Služba za privredu i Služba za finansije, inspekcijske poslove i opću upravu su uzele u obzir faktore kao što su: cijena, količina, kvalitet, vrijeme i period isporuke robe i sl. te je izabran ponuđač na način koji garantuje najbolju razmjenu vrijednosti za novac.

Pri donošenju Odluke, Općinski načelnik, se posebno rukovodio činjenicom, da je realno procijenjena njena vrijednost na tržištu, da su osigurana sredstva za isplatu i predložena odgovarajuća vrsta postupka.

Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Službe za privredu.

Naime, u postupku je ocijenjeno da je Služba za privredu u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

U skladu sa čl. 90 stav (5) Zakona o javnim nabavkama BiH ugovorni organ ne zaključuje ugovor te se direktni sporazum smatra zaključenim prilaganjem računa ili druge odgovarajuće dokumentacije.

Primjenom člana 64. stav 1. tačka b) Zakona o javnim nabavkama Bosne i Hercegovine, te člana 6. Pravilnika o postupku direktnog sporazuma za nabavku roba, usluga i radova u jedinstvenom organu uprave Općine Breza („Sl. glasnik Općine Breza“, broj: 4/15 i 4/16), odlučeno je kao u dispozitivu.

POUKA O PRAVNOM LIJEKU

U skladu sa članom 101. stav (6) Zakona o javnim nabavkama u postupku direktnog sporazuma, žalba nije dopuštena.

Prilog: Obavještenje

Predlažatelj: Služba za privredu, Salih Hasanspahić _____

Obrađivač: Jasmina Došlić _____

Dostavljeno:

OPĆINSKI NAČELNIK

1x IMTEC d.o.o Sarajevo
1x R&S d.o.o.Sarajevo
1x Služba za privredu
1x Služba za finansije, inspeksijske poslove
i opću upravu
1x Viši samostalni referent - administrator mreže
1 x Evidencija
1x a/a.

Vedad Jusić